

Seminar u Neumu na temu sigurnosti i odbrane

Jucer su Visoki predstavnik, Wolfgang Petritsch, general-potpukovnik Charles-Henri de Monchy, DCOM SFOR (zamjenik komandanta SFOR-a) i general-potpukovnik Sir Michael Willcocks, DCOMOPS SFOR (zamjenik komandanta SFOR-a za operacije) prisustvovali završnom dijelu dvodnevnog seminara koji je održan u Neumu. Seminar je organiziran u cilju utvrđivanja metoda pomoću kojih se može osigurati demokratska kontrola nad oružanim snagama u Bosni i Hercegovini.

Visoki predstavnik i komandant SFOR-a su bili razočarani zbog toga što seminaru nisu prisustvovali članovi Predsjedništva. Iz Aneksa 4 GFAP-a i kasnije datog pravnog mišljenja koje je OHR prezentirao Predsjedništvu u decembru 1999. godine, jasno je da je Predsjedništvo nadležno za predstavljanje interesa naroda Bosne i Hercegovine po pitanjima koja se odnose na oružane snage. Predsjedništvo mora osigurati da sigurnosna politika u BiH bude realistična, ostvariva, pragmatična i efikasna.

Seminaru su prisustvovali članovi Stalnog komiteta za vojna pitanja (SCMM) i visoki dužnosnici iz oružanih snaga oba entiteta. U razgovorima su također uzeli učesca vojni predstavnici iz staba NATO-a, Ujedinjenih nacija, OSCE-a i OHR-a. Seminar je pružio priliku za obavljanje neformalnih kao i stručnih razgovora o budućim zahtjevima sigurnosne i odbrambene politike u Bosni i Hercegovini.

Moderna sigurnosna i odbrambena politika će utrti put za dalju integraciju Bosne i Hercegovine u evropske strukture. Visoki predstavnik je izrazio pohvalu entitetskim vojnim institucijama i SCMM-u za preuzimanje odgovornosti za izazove sa kojima se suočavaju u izgradnji Bosne i Hercegovine kao moderne evropske države, u odbrambenom smislu. Oni služe za

primjer svojim civilnim kolegama.

Osnivanje radne grupe ministara odbrane od strane Predsjedništva, koja ce se baviti razmatranjem teskih pitanja drzavne odbrane, je takodjer vazan korak. Ovim se salje pozitivan signal zemljama jugoistocne Evrope u fazi priprema za predstojeci sastanak Pakta o stabilnosti Stola 3 koji ce se odrzati u Sarajevu.

Visoki predstavnik i komandant SFOR-a smatraju da Bosna i Hercegovina igra kljucnu ulogu u Paktu o stabilnosti, i da Bosna i Hercegovina, kao i sve evropske drzave, mora utvrditi politiku koja ce ispunjavati njene konkretne sigurnosne i odbrambene zahtjeve za sve narode. Bosna i Hercegovina se mora koncentrirati na buducnost i prihvatiti prilike koje joj se sada nude.